



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: UP-I/21-3-40-095-4/22

Datum: 04.04.2022. godine

„Agencija za vodno područje rijeke Save“ Sarajevo, rješavajući po zahtjevu Javnog preduzeća za komunalno gospodarstvo „Komunalac“ d.o.o. Odžak za izdavanje vodne dozvole za zahvatanje vode sa izvorišta „Odžak“ u Odžaku u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na osnovu člana 139. stav (1) tačka 1. Zakona o vodama ("Službene novine Federacije BiH", broj 70/06), člana 200. stav (1) Zakona o upravnom postupku ("Službene novine Federacije BiH", broj 2/98 i 49/99), donosi

RJEŠENJE **o vodnoj dozvoli**

1. Daje se vodna dozvola podnosiocu zahtjeva Javnom preduzeću za komunalno gospodarstvo „Komunalac“ d.o.o. Odžak za zahvatanje vode putem 4 vodozahvatna objekta-bunara B-1a, B-2a, B-3 i B-4 na vodocrpilištu „Odžak“, Općina Odžak u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema u količini od cca $Q=30,0$ l/s.
2. Vodna dozvola se daje na osnovu dostavljene dokumentacije, izvršenog uviđaja na objektima, utvrđenog činjeničnog stanja i uz sljedeće uslove:
 - 2.1. Da korisnik predmetnih vodozahvatnih objekata iste održava u funkcionalnom stanju i koristi u skladu sa njihovom prirodom i namjenom, te u skladu sa uslovima iz ove vodne dozvole.
 - 2.2. Da korisnik vodocrpilišta u cilju kontrole, evidencije i plaćanja količina zahvaćene vode vrši mjerenje iste, a što se u ovom trenutku obezbijeduje putem mjerača protoka-vodomjera ugrađenog na mjestu izlaska vode iz postrojenja za tretman pitkih voda, tip H 4000, oznaka BA Z-14-1153. Evidenciju o mjerenjima zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode („Službene novine FBiH“ br. 83/08).
 - 2.3. Da obezbijedi tehničku ispravnost ugrađenog mjernog uređaja za evidentiranje zahvaćenih količina vode, opreme na postrojenju za tretman vode kao i na objektima transportnog sistema (pumpe, vodomjeri, zatvarači itd.), odnosno da redovno vrši baždarenje mjerača protoka u skladu sa propisima o mjernim uređajima.
 - 2.4. Da se uredno vodi dnevnik rada u koji će se unositi podaci o postupku tretmana vode i potrošnji svih hemikalija.
 - 2.5. Da se vrši stalna dezinfekcija vode kloriranjem kao i kontrola rezidualnog klora u gradskoj-distributivnoj mreži, a u skladu sa Pravilnikom o o zdravstvenoj ispravnosti vode za piće ("Službeni glasnik BiH", 40/10, 43/10, 30/12 i 62/17).
 - 2.6. Korisnik je dužan vršiti redovnu kontrolu uskladištenih hemikalija i obezbijediti takve uslove koji će spriječiti zagađenje površinskih i podzemnih voda uskladištenim materijama, odnosno, obezbijediti moguće isticanje hlora i drugih komponenti iz objekata i iz posuda, odgovarajućim tankvanama. Takođe je dužan obezbijediti adekvatan apsorber za prikupljanje hemikalija u slučaju incidentnog izljevanja.
 - 2.7. Da korisnik predmetnih objekata osigura stalni i sistemski pregled vode i preduzme mjere za osiguranje zdravstveno ispravne vode za piće, u skladu sa Pravilnikom o zdravstvenoj ispravnosti vode za piće.

2.8. Da kontrolu ispitivanja kvaliteta vode za potrebe vodosnabdijevanja vodom za piće stanovništva mogu vršiti samo ovlaštene laboratorije, u skladu sa članom 48 stav 3. Zakona o vodama.

2.9. Da ukoliko se redovnim ili vanrednim analizama kvaliteta vode utvrdi da ista ne zadovoljava uslove vode za piće propisane važećim Pravilnikom o zdravstvenoj ispravnosti vode za piće, vodovodni sistem isključi iz upotrebe, odnosno da se blagovremeno i na adekvatan način obavijeste krajnji potrošači da voda nije za piće.

2.10. Da se stalno sprovode mjere o zaštiti izvorišta po Odluci o zonama sanitarne zaštite i zaštitnim mjerama vodocrpilišta u Odžaku („Službeni glasnik općine Odžak” br.2 od 04.11.2004. godine).

2.11. Da se u vrijeme trajanja ove vodne dozvole postojeća Odluka o zaštiti izvorišta „Odžak”, uskladi sa zahtjevima iz „Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva (”Službene novine Federacije BiH”, broj 88/12).

2.12. Ogradu i ograđeni prostor oko vodocrpilištu „Odžak”, Općina Odžak potrebno je održavati što znači da je ovaj prostor potrebno kositi, uklanjati samoniklo šiblje i grmlje i isti obezbijediti i drugim mjerama fizičke zaštite i osiguranja, a što prvenstveno uključuje službu fizičkog obezbjeđenja na izvorištu (povremeni obilazak ili stalna posada), te alarm i druge mjere zaštite, ukoliko se to ocijeni potrebnim.

2.13. Da se Pravilnik o sadržaju općeg akta o održavanju, korištenju i osmatranju vodnog objekta doradi u skladu sa zahtjevima Pravilnika o minimumu sadržaja općeg akta o održavanju, korištenju, promatranju vodnih objekata („Sl. novine Federacije BiH” broj: 97/19.)

3. Korisnik objekata treba da u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode i podatke o tim mjerenjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170 stav 1. tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07, 10/14 i 03/16).

4. Prava stečena po ovoj vodnoj dozvoli ne mogu se prenositi na treća lica, a ista se mogu izmjeniti u zakonom propisanim slučajevima.

5. Ukoliko prilikom upotrebe vodozahvatnih objekata za koje se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekata je dužan uzroke štete otkloniti, a nastale štete nadoknaditi.

6. U ovoj upravnoj stvari plaćene su sve upravne pristojbe.

7. Ova vodna dozvola, shodno članu 117. stav 1. Zakona o vodama („Službene novine Federacije BiH”, broj 70/06) se daje sa rokom važenja od pet godina od pravosnažnosti ovog rješenja.

8. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.

9. Za izgradnju novih ili rekonstrukciju ili uklanjanje postojećih objekata te promjenu uslova zahvatanja vode na vodocrpilištu „Odžak”, ako bi se time uticalo na promjenu kvaliteta i kvantiteta voda, odnosno ako se time mogu trajno, povremeno ili privremeno prouzrokovati promjene u režimu voda, korisnik predmetnih objekata je dužan pribaviti vodne akte (prethodnu vodnu saglasnost, vodnu saglasnost i vodnu dozvolu).

10. Ovo Rješenje o vodnoj dozvoli može se izmjeniti ukoliko nastupe okolnosti iz člana 130. stav (1) Zakona o vodama.

Obrazloženje

Javno preduzeće za komunalno gospodarstvo „Komunalac” d.o.o. Odžak obratio se ovoj Agenciji sa zahtjevom broj: 01-43/2022 od 22.02.2022. godine za izdavanje Rješenja o vodnoj dozvoli za zahvatanje vode putem 4 vodozahvatna objekta-bunara B-1a, B-2a, B-3 i B-4 na vodocrpilištu „Odžak”, Općina Odžak, a u svrhu obezbjeđenja potrebnih količina vode za piće

stanovništva i privrede koje se vodom snabdijeva putem javnog vodovodnog sistema na području Općine Odžak.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Aktuelni izvod iz sudskog registra izdat od strane Općinskog suda u Orašju – ovjerena kopija,
- Rješenje o izmjenama podataka, broj:025-0-Reg-18-000 065 od 04.07.2018. godine izdato od strane Općinskog suda u Orašju – ovjerena kopija,
- Uvjerjenje o poreznoj registraciji od 24.07.2017. godine izdato od strane Kantonalnog poreznog ureda Orašje - ovjerena kopija,
- Uvjerjenje o registraciji u Jedinstveni registar obveznika indirektnih poreza, broj:04/1-UPP/1-25632/07 od 07.09.2007. godine izdato od strane Uprave za indirektno-neizravno oporezivanje Banja Luka - ovjerena kopija,
- Rješenje o odobrenju za građenje, broj:05-23-84/2008 od 10.04.2008. godine izdato od strane Službe za prostorno uređenje i katastar nekretnina općine Odžak – kopija,
- Rješenje o vodnoj dozvoli, broj: UP-I/25-3-40-077-4/18 od 26.02.2018. godine izdato od strane Agencije za vodno područje rijeke Save, Sarajevo – kopija,
- Pravilnik o sadržaju općeg akta o održavanju, korištenju i osmatranju vodnog objekta urađen od strane JKP „Komunalac“ d.o.o. Odžak od 31.12.2008. godine,
- Vodoprivredna saglasnost, broj:08-25-78/02 od 15.07.2002. godine izdata od strane Ministarstva poljoprivrede, šumarstva i vodoprivrede Posavskog kantona – kopija,
- Izvještaji o rezultatima ispitivanja, broj:335 od 14.02.2022. godine, broj:95 od 17.01.2022. godine, broj:3244 od 20.12.2021. godine urađeni od strane Zavoda za javno zdravstvo Tuzlanskog kantona – kopije,
- Odluka o zonama sanitarne zaštite i zaštitnim mjerama vodocrpilišta u Odžaku objavljena u Službenom glasniku općine Odžak br.2 od 04.11.2004. godine – kopija,
- Certifikat, br.:05-1-49-7-ČDŽ-123-3/19 od 08.11.2019. godine izdat od strane Instituta za mjeriteljstvo Bosne i Hercegovine – kopija,
- Dokaz o uplaćenju federalnoj upravnoj pristojbi na zahtjev

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20), izvršen je uviđaj na terenu i tom prilikom sačinjen Zapisnik o izvršenom uviđaju broj: UP-1/21-3-40-095-2/22 od 29.03.2022. godine.

Na osnovu dostavljene dokumentacije, izvršenog uviđaja na licu mjesta utvrđeno je slijedeće:

➤ Izvorište vodovodnog sistema Odžak locirano je oko 1 km sjeverozapadno od gradskog centra Odžaka. Neposredno uticajno područje iz kojeg se vrši prihranjivanje ovog izvorišta prostire se južno i jugoistočno od vodozahvatnih objekata i obuhvata prostor od oko 68,8 km². Predmetno uticajno područje nalazi se jednim dijelom na području Općine Odžak, dok se južni dio nalazi na teritoriji Općina Vukosavlje i Modriča u Republici Srpskoj.

➤ Izvorište „Odžak“ je oformljeno u aluvijalno šljunkovito-pjeskovitim naslagama druge terase rijeke Bosne. Debljina naslaga iznosi 60-70 m. Nivo podzemnih voda je slobodan. Prihranjivanje podzemnih voda se vrši od strane r. Bosne i od atmosferilija, dok nije utvrđen uticaj infiltracionih voda potoka Srna. Smjer tečenja podzemnih voda prati tokove rijeka Save i Bosne.

➤ Snabdijevanje vodom cca 12 000 stanovnika Odžaka (prigradska naselja Bijeće Bare, dio naselja Potočani, Srna i Jezero) vrši se zahvatanjem vode iz četiri bunara.

Apsolutne x, y i z koordinate gornje ivice cijevi bunara su:

B-1a	985742	525674	100,3
B-2a	985639	525641	100,51
B-3	985792	525588	99,94

Bunar B-1a izgrađen je 2008. godine kao zamjenski za bunar B1. Dubina bunara B-1a je 52 m, kapacitet crpljene količine vode iznosi cca 7,7 l/s.

Bunar B-2a je takođe izgrađen kao zamjenski bunar za bunar B-2. Dubina bunara je 61,5 m, kapacitet crpljene količine vode iznosi cca 20 l/s.

Bunar B-3 je dubine 61 m, kapacitet crpljene količine vode iznosi cca 13,7 l/s.

Bunar B-4 izgrađen je 2004. godine. Dubina ovog bunara je 71,5 m, kapacitet crpljene količine vode iznosi cca 20 l/s. Međusobna udaljenost bunara iznosi od 80 – 120 m.

Izdašnost bunara pri grupnom radu iznosi do 30 l/s, a pri pojedinačnom radu do 40 l/s. Mjerač protoka je ugrađen na izlazu iz postrojenja za tretman vode.

➤ U okviru ograđene I zone sanitarne zaštite izvorišta izgrađeno je postrojenje za tretman pitke vode koje je pušteno je u pogon 2003. godine zbog potrebe uklanjanja povećanih koncentracija parametara vode mangana i željeza. Projektovani kapacitet postrojenja iznosi 50 l/s. Iz postrojenja, buster pumpama se vrši transport vode do vodotornja zapremine 200 m³, na visinu od 40 m (koristi se za obezbjeđenje stabilnosti pritiska u vodovodnoj mreži, dok zbog svoje male zapremine nema funkciju obezbjeđenja značajnijih rezervi vode u toku dana).

➤ Kroz prvu zonu sanitarne zaštitne izvorišta, koja je u cjelosti ograđena, protiče potok Srnava. Potok je u ovom području kanalan i dno i zidovi su betonirani.

➤ Općinsko vijeće općine Odžak donijelo je Odluku o zonama sanitarne zaštite i zaštitnim mjerama vodocrpilišta u Odžaku, broj:01-01-44/04 od 21.05.2004. godine. U narednom periodu, a u toku važenja ovog Rješenja o vodnoj dozvoli biti će pokrenute aktivnosti na izradi Elaborata o zaštitnim zonama izvorišta u skladu sa odredbama Pravilnika o utvrđivanju uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva („Službene novine Federacije BiH“ broj 88/12) i donesena je Odluka o zaštiti izvorišta vode za piće „Odžak“ u Odžaku.

➤ Inoviranje projekne dokumentacije u skladu sa odredbama "Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva" ("Službene novine Federacije BiH", broj 88/12) nije izvršeno. Nova Odluka o zaštiti izvorišta nije donesena od strane Općinskog vijeća. U skladu sa važećom Odlukom o zaštiti izvorišta propisane mjere zabrane i ograničenja se provode.

➤ Dezinfekcija se vrši u klornoj stanici, a koristi se tečni rastvor klora.

➤ Procjenjuje se da se putem javnog vodosnabdijevanja pokriva potreba za pitkom vodom za oko 12000 stanovnika i oko 300 privrednih potrošača. Zapremina rezervorskog prostora dovoljna je za pokrivanje izravnjanja varijacija u potrošnji i obezbjeđenje sigurnosti u pogonu.

➤ Na postrojenju za kondicioniranje vode dezinfekcija se može vršiti plinovitim hlorom, ali se ovaj sistem ne koristi iako je u dobrom funkcionalnom stanju. Najizraženiji problemi koje se javljaju na sistemu su veliki gubici u mreži koja je orijentacione dužine oko 100 km i izvedena u različitim vremenskim periodima, od različitog cijevnog materijala i sa jednim dijelom potrošača koji utrošak vode ne plaća putem potrošnje registrovane na vodomjerima, nego paušalno, što pogoduje neracionalnoj potrošnji vode.

➤ Redovno, jednom sedmično se uzimaju uzorci i vrši analiza kvaliteta vode u mreži i svi dosadašnji nalazi upokazuju da su svi analizirani fizičko – hemijski i mikrobiološki parametri zadovoljili uslove iz Pravilnika o zdravstvenoj ispravnosti vode za piće ("Službeni glasnik BiH", 40/10, 43/10, 30/12 i 62/17).

➤ U sklopu vodoprivrednog sistema Odžak za mjerenje količina vode koje utroše zaposlenici JPKG-a, nije instaliran vodomjer.

➤ Vodomjer je ugrađen na mjestu izlaska vode iz postrojenja za tretman pitkih voda.

➤ U prethodnom periodu, od izdavanja rješenja o vodnoj dozvoli broj: UP-I/25-3-40-077-4/18 od 26.02.2018. godine, pravno lice nije vršilo dogradnju i/ili izmjenu sistema zahvatanja voda za potrebe vodosnabdijevanja stanovništva i privrede koji su priključeni na sistem kojim upravlja JKP "Komunalac" d.o.o. Odžak.

➤ Podnosilac zahtjeva je upoznat sa potrebom da se Pravilnik o sadržaju općeg akta o održavanju, korištenju i osmatranju vodnog objekta urađen od strane JKP „Komunalac“ d.o.o. Odžak od 31.12.2008. godine, doradi u skladu sa zahtjevima Pravilnika o minimumu sadržaja općeg akta o održavanju, korištenju, promatranju vodnih objekata („Sl. novine Federacije BiH“ broj: 97/19).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom, u tački 2. dispozitiva ovog Rješenja, propisani uslovi u skladu sa Zakonom o vodama, Pravilnikom o sadržaju, obliku i uvjetima i načinu izdavanja i čuvanja vodnih akata te odredbama Uredbe o uslovima ispuštanja otpadnih voda u okoliš i sisteme javne kanalizacije.

Podnosilac zahtjeva Javno preduzeća za komunalno gospodarstvo „Komunalac“ d.o.o. Odžak je dužan da u skladu sa članom 44. Zakona o geološkim istraživanjima Federacije BiH („Službene novine Federacije BiH“ broj 9/10 i 14/10) izradi i dostaviti na reviziju Federalnom ministarstvu energije, rudarstva i industrije elaborat o klasifikaciji, kategorizaciji i proračunu rezervi podzemnih voda u istražnom, odnosno eksploatacijskom polju.

Na osnovu provedenog postupka, a prema članu 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata Javnom preduzeću za komunalno gospodarstvo „Komunalac“ d.o.o. Odžak, ovom su vodom dozvolom, u tački 2. dispozitiva rješenja, propisani uslovi korištenja objekata. Podnosilac zahtjeva, kao korisnik objekata obavezan je pridržavati se navedenih uslova, u skladu sa članovima 48., 64. i 66., 116. Zakona o vodama i članovima 13. i 14. Pravilnika o sadržaju, obliku i uvjetima i načinu izdavanja i čuvanja vodnih akata. Konstatuje se da je podnosilac zahtjeva Javno preduzeća za komunalno gospodarstvo „Komunalac“ d.o.o. Odžak ispunio minimum uslova za izdavanje vodne dozvole za zahvat vode u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području Odžaka, te je riješeno kao u dispozitivu ovog rješenja.

Podnosilac zahtjeva je uplatio upravnu i administrativnu taksu u iznosu od 70 plus 3 KM u skladu sa Zakonom o federalnim upravnim taksama i tarifi federalnih upravnih taksi („Službene novine Federacije BiH“, broj 6/98, 8/00, 45/10 i 43/13).

Uputa o pravnom lijeku

Protiv ovog rješenja se može uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana prijema Rješenja.


Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:

mr.sc. Selma Merdan, dipl.inž.geol.

Po ovlaštenju

Rukovodilac Sektora za izdavanje vodnih akata


Haris Ališehović, dipl.ing.građ.

Dostaviti:

- „Komunalac“ d.o.o. Odžak
Radislava Milanovića 13, 76290 Odžak
- ☞ AVP Sava, ISV, Vodna knjiga,
- Sektor 50,
- Sektor 40, arhiva,
- Oglasna ploča